

“Cietcuzcu” Bunujyauz:

Ngoenzciet Conzdungj Angqyangz Nauhyied

欢乐热闹的布努瑶传统节日“祝著节”

□马志华 ingj/sij



▲ Angq diuq fouxred hoh funksou, gyoengqvunz bouxboux cungj sim' angq.



▲ Dahni caen sim' angq, cangndang gyauegetget.



▲ Ngoenzciet gwn "laeujriu", gaeng ruizcienz lai daih.



▲ Nyezcauq Bunujyauz, angq-vauvau diuq foux.



▲ Fouxgyongcuk remhaenq, bouxyawj haenh mbouj dingz.



▲ Dwkgyangq doxdax haenq, lwggyangq baenq mbouj dingz.



▲ Gizdieg beij nyingz naq, raen vunzbaz caemh ak.



▲ Humx yawj gaeq doxdoj, caemh roxnyinh mizyinx.



▲ Lwgsau Bunujyauz, angq-vauvau cangndang.

◀ Caemh daenj haizgieg beij buetvaiq, vunz lai ndaej rox doxgiet ak.

“Cietcuzcu” dwg gih raeuz Duh' anh、Bahmaj、Dava daengj ranghdieg haenx ngoenzciet conzdungj nauhyied hoenghwd Bunujyauz ndeu, aeu liggaueq ndwenngux ngeihgouj guh ngoenzcingq cietheiq, moix bi gvaq baez he, doengciengz angq hoh sam ngoenz. Ngoenzciet, gyoengq beixnuengx Bunujyauz doxcomz youq diegdangz, roq nyenz diuq foux, ciengq go goengcoj, niemhngex gij lizsij gyaenanz、conzdungj najrongh minzcuz bonjfaenh, hawj vunz lai engq doxgiet doxhuz. Riengzlaeng lij miz doiq fwen、cit bauqbonghmbwn、dwkgyangq、roegciu doxdoj、nyingz naq doxdax daengj lai cungj lai yiengh vwnzdij hozdung dem, ciengzmienh angqyangz nauhyied.

Ciuq cam rox, “cietcuzcu” gaxgonq heuhguh “cietdaznuj”, lij heuhguh “cietmehcoj”、“cietngeihgouj”、“Yauznienz”. “Cuzcu” dwg ciuq Vahyauz “daznuj” yaemhoiz gvaqdauej, eiqsei dwg mehlaux, caemh miz gij eiqsei “ciengxlwenx gaej lumz”, “cietdaznuj” eiqsei couhwdg ngoenzciet ciengxlwenx gaej lumz yahcoj Yauzcuz saenzmbwk Mizlozdoz. Riuz naeuz liggaueq ndwenngux ngeihgouj dwg ngoenzseng yahcoj Yauzcuz Mizlozdoz, daihlaeng aeueiq ndiepgyaez de, couh dingh ngoenz neix guh ngoenz angq hoh souyienz. Moix bi liggaueq ndwenngux ngeihgouj daengz ngeihgouj, gyoengq beixnuengx Bunujyauz ranghdieg Duh' anh、Bahmaj、Dava daengj yienh cungj angqyangz doxcomz caez gvaq aen cietheiq neix. Ngoenz haenx, gyoengqvunz comz youq diegdangz, roq nyenz caeqbaic, ciengq go niemhngex, riengzlaeng faenbied guh gij hozdung diuq foux nyenz、dwkgyangq doxdax、geij vunz caemh daenj haizgiegraez beij buetvaiq、nyingz naq doxdax daengj, guh ndaej nauhyied hoenghwd, dauqcauq dingqny sing bekwngz sing hemq ndei. Ngoenzciet dangyienz yaek aeu loengh byaek gwn laeuj, ngoenz haenx ranzranz gaj gaeq gaj yiengz, daek laeujhaeux gethom gag siu okdauej, cingj caencik baengzyoux gwn “laeujriu”, sing gingqlaeuj, sing hatmax gyukgyadgyad, baenz hwnz mbouj dingz.

“Cietdaznuj” daj Ciuhsung haindu j baenz ciet, ginggvaq lizsij boekbienq, cugciemh daj cietbaiqsaenz ndawbiengz bienqbaenz cietfungsou caeuq cietbingzan, 1986 nienz, Swcigih Minzvej ciuq gij simnyienh beixnuengx Bunujyauz, dawz “cietdaznuj” gaj heuhguh “cietcuzcu”; 2007 nienz, aen ciet neix ndaej lied haeuj Gvangjsih raeuz buek daih' it swcigih gaep feihvuzciz vwnzva baujhoh mingzloeg.

